

丁文誠公奏稿

丁文誠公奏稿

卷之一目錄

升署陝臬謝

恩摺

同治元年十二月初二日

遵

旨赴山東酌帶湘中弁勇摺

同治二年二月初二日

迅赴東省現抵河南許州摺

同治二年五月初一日

遵

旨勿庸折回皖北摺

同治二年五月十四日

沿途查勘地方賊情片

同日

升授東藩謝

恩摺

同治三年九月二十一日

兼護撫篆謝

恩摺

同治四年十二月二十四日

東網疲累暫緩加價帶徵另籌京餽摺

同治五年二月初七日

馳赴濟甯商辦軍情片

同日

豫捻折竄東境移駐東平防勦摺

同治五年二月二十五日

籌辦防勦事宜交卸撫篆回省摺

同治五年三月初一日

賞還二品頂戴敬陳下悃摺

同治五年十月二十六日

接署撫篆出省巡閱河防摺

同治五年十一月十六日

查看隄工河防回駐東平摺

同治五年十二月初八日

調兵換防兼籌防勦摺

同治五年十二月二十三日

募黑龍江壯丁訓練馬隊摺

同治五年十二月二十三日

馬隊營制章程摺

同治六年正月十一日

查覆濟陽縣徵收錢漕摺

同治六年正月二十三日

酌給黑龍江壯丁整裝銀兩摺

同治六年二月十九日

升署陝臬謝

恩摺

同治元年十二月初二日

奏爲恭謝

天恩仰祈

聖鑒事竊

臣

於同治元年十一月十七日接奉湖南撫

臣

毛鴻賓行知十一月十六日准兵部火票遞到議政王軍機大臣字寄同治元年十一月初二日奉

上諭陝西軍務需人本日已明降諭旨令丁寶楨署理陝西按察使矣著毛鴻賓卽飭該員刻卽前往新任毋稍遲緩不准藉詞奏留將此由五百里諭令知之欽此又同治元年十一月初二日內閣奉

上諭陝西按察使著丁寶楨署理欽此跪誦之下感悚莫

名伏念

臣

黔中下士知識庸愚由咸豐癸丑科庶吉士回

籍辦理軍務經前貴州撫

臣

蔣爵遠保奏奉

旨著勿庸散館卽行授職編修並

賞戴花翎嗣以勦辦苗教各匪出力奉

旨著記名以知府用旋奉

簡放岳州府知府調補長沙府知府未効涓埃方深悚惕

茲復仰荷

聖慈畀以臬司重寄自

天錫詔伏地汗顏竊思秦中爲燕冀屏藩臬司乃刑名總  
匯况當軍務孔亟漢回構衅宜權勦撫以兼施髮捻交訌  
須合經權而互用臣以菲材膺茲鉅任惟有殫竭血忱盡

力馳驅以冀仰答

鴻慈於萬一除俟撫

臣

委員接署長沙府篆將經手事件

交代清楚卽行起程馳往外所有

微臣

感激下忱理合恭

摺叩謝

天恩伏乞

皇上聖鑒謹

奏

遵 旨赴山東酌帶湘中弁勇片

同治二年二月初二日

再 臣復接奉湖南撫

臣

毛鴻賓轉行承准議政王軍機大

臣字寄同治二年正月十一日奉

上諭毛鴻賓奏遵籌赴東將弁一摺已明降諭旨將丁寶楨補授山東臬司矣湖南距東較遠若募勇成軍需費浩煩不如就地取材毛鴻賓所奏尙係實在情形卽著飭令丁寶楨揀調文武將弁數十百人由湖南酌給行資攜帶赴東募勇訓練現在東省軍務毫無起色急須知兵大員前往次第辦理丁寶楨旣久歷行間務令剋期前赴新任斷不可稍涉逗遛致負破格殊恩欽此仰見

聖主軫念地方勤求武備之至意跪誦之下感激涕零伏

思東省地兼齊魯壤接燕趙勇敢好義之士素不乏人特以紀律未嫻遂致臨事張皇難期得用當此人心散漫之際如欲募勇立營自必擇有勇知方之員派充營官預爲申明號令以一其耳目整飭部伍以束其意氣訓練陣法以齊其心志指揮進退以壯其膽略而又須挑選敢戰之哨長隊目什長等作爲領隊無事則率其操演臨敵則導其攻擊庶幾將弁勇丁相維相繫習之既久心志克一呼應自靈然尤須營哨各官與統兵之員平日情意相孚乃能令行禁止如身使臂略無扞格之患臣初到東省人地較生倉卒挑選或恐難期浹洽因念近日湘中兵勇天下稱強其中歷陣最久之營哨各官及百長隊目什長等尙



屬易覓且臣前經帶勇辦理湘省邊防舊部營哨等官雖  
經遣撤多未遠散一聞招集皆樂於隨營効命是皆曾經  
與臣同甘苦親戰陣之人若帶赴東省募勇編營卽分派  
管領以湘省之營制戰法訓練東勇習久易收實效茲擬  
稟商湖南撫臣精挑弁目勇丁共三四百人並請籌發行  
資銀兩軍火器械由臣迅速招集整頓行裝趕緊帶赴山  
東稟知署撫臣閻敬銘招募勇丁立營訓練仍祇候  
硃批如蒙

聖恩准臣

陸見卽將所帶員弁勇目暫由署山東撫臣派員管帶臣  
謹星馳赴京叩謝

天恩跪求

訓示伏乞

聖鑒謹

奏

迅赴東省現抵河南許州摺

同治二年五月初一日

奏爲在途疊奉

諭旨欽遵督勇迅速前赴山東現已行抵河南許州恭摺  
覆陳仰祈

聖鑒事竊

臣

於三月初八日督帶勇丁千名由湖南省水

路起程至沙市改由陸路於四月十一日行抵樊城十三  
日在樊接奉兵部遞到議政王軍機大臣傳諭同治二年  
四月初二日奉

上諭前據閻敬銘奏三月十二日起程赴東當經諭令迅  
速赴任復據毛鴻賓奏臬司丁寶楨募足勇丁千名於三  
月初八日由水路前赴湖北改由陸路赴東此時諒已起

程在道矣山東擒教各匪疊次肆擾淄川縣城爲團匪劉德培等所踞而東昌降匪復嘯聚直隸山東交界處所肆意焚掠軍務處處喫緊僧格林沁督師北上勦辦正當得手而苗沛霖於該大臣離皖之後又復糾衆占踞懷遠縣城公然分道犯順不得不令僧格林沁權其緩急移師南下惟山東軍務緊要該省旣無得力之兵又無知兵之將僧格林沁一離東省勢將決裂丁寶楨所募勇丁定能得力前已據報起程著卽星速馳抵東境遇賊卽擊務將各股匪次第翦滅俾東省早就廓清方爲不負委任將此由六百里諭知閭敬銘並傳諭丁寶楨知之欽此當卽欽遵恭錄並將在樊趕緊添雇車輛裝載軍火一切定於四月

十八日自樊督勇迅速前進各情飛遞山東撫臣閻敬銘計已據情奏

聞茲於四月二十六日行抵河南葉縣保安驛地方復接奉兵部火票遞到議政王軍機大臣傳諭同治二年四月十九日奉

上諭前因苗沛霖復叛僧格林沁卽當統兵南下諭令丁寶楨迅速赴東迄今爲時已久尙未據該臬司覆奏著再傳諭丁寶楨勿論行抵何處卽行兼旬前進迅速赴山東接印任事與閻敬銘會商勦匪各事宜俾僧格林沁得以統兵南下毋得稍涉遲誤欽此臣跪誦之下倍深惶悚值此東南兩省大局攸關曷敢稍事稽遲自應欽遵兼程前

進惟查臣現行抵許州相距東省尙有一千三百餘里目  
今天氣陰晴無定北方泥濘難行且東省賊衆紛煩臣一  
經入境謹當懷遵

聖訓遇賊卽擊而到省之日更須馳辦各路股匪斷不能  
一日停留有誤事機該勇丁等跋涉長途行走過急不免  
疲乏堪虞現飭各將弁等無分風雨每日邁行七八十里  
計五月中旬定可到省臣入境後惟有確探各股匪緩急  
情形與撫臣悉心籌畫次第速辦期於迅撲賊氛俾價格  
林沁得以剋日移師南下稍冀仰紓

宸廑所有臣在途疊次欽奉

諭旨現在督勇迅速前進緣由謹恭摺由驛覆奏伏乞

皇上聖鑒訓示再臣此次拜發摺件係借用許州印信合  
併聲明謹

奏

遵 旨無庸折回皖北摺

同治二年五月十四日

奏爲勇隊剋期可抵東省現在欽遵

諭旨勿庸折回皖北免致紆途延誤恭摺覆陳仰祈

聖鑒事竊臣於同治二年五月初二日督勇行抵河南許州當將在途欽奉

諭旨迅速前進各緣由奏

聞在案茲於五月十三日行抵山東濟甯州接奉兵部火票遞到同治二年五月初六日議政王軍機大臣奉旨另有旨欽此同日復奉

上諭丁寶楨奏在途接奉諭旨現在行抵許州督勇前進一摺前因唐訓方奏皖省情形緊急當經諭令唐訓方張



之萬於丁寶楨一軍抵豫時截留由汝潁一帶徑趨皖北  
本日據丁寶楨奏五月初一日已抵許州連日督勇疾行  
計月之中旬可到東省等語丁寶楨所帶勇隊連日已將  
次入山東境界如業經在豫省截留卽著張之萬飭令赴  
皖如已入山東地面卽當察度緩急相機進剿勿庸再行  
折回轉致紆途延誤將此由六百里傳諭丁寶楨知之欽  
此臣跪讀之下仰見

皇上睿慮周詳明燭萬里欽感彌深伏查臣現已行抵濟  
甯相距東省僅三百七十餘里計限月之十八日定可到  
省到省之後卽行前赴淄川大營稟商親王臣僧格林沁  
撫臣閻敬銘先將東省各股匪緩急情形通籌全局然後

於勦辦之孰先孰後兵勇之應分應合布置妥協以便次第辦理並一面察度涪城地勢賊情應何如籌畫攻勦之處自當殫竭愚忱隨時稟商撫臣不遺餘力迅圖攻克以期仰慰

聖懷所有臣督勇剋期卽抵東省欽遵勿庸折回皖北並到省後卽赴涪川商辦勦匪各緣由理合恭摺由驛覆奏伏乞

皇上聖鑒訓示謹

奏

沿途查勘地方賊情片

同治二年五月十四日

再臣此次係由豫省東北考城縣一路行入東境經過東省曹州府屬之曹縣城武單縣濟甯州屬之金鄉魚臺兗州府屬之磁陽甯陽各縣沿途細查地方情形如曹州府屬人情較爲强悍其前次所稱長槍會匪業經上年勦辦殆盡刻下民情似覺安謐並以本年二麥有收入夏以後雨水霑足秋成亦可期豐稔或不致再有事端金魚磁甯各縣人情亦甚安靜臣於接見各地方官時諄囑其妥爲安集沿路與團練紳耆相見俱剴切曉諭令其隨時認真辦理鄉團以資防衛至鄒縣北龍池股匪臣於道經濟甯一帶卽專人前往密探據稱該匪占踞之鳳凰山四面遼

閩界連沂州泗水曲阜滕縣各府縣山形迤邐疊嶂層巒  
路徑迂曲其山之周圍約計四旁各五六十里荒杳無人  
該匪老巢盤踞山中其巢東西約二十里南北約十餘里  
不等內共聚集十三村賊衆約三四萬人裹脅者亦不少  
外尙有捻首李成所帶南捻二千餘人亦在其內所踞寨  
門築石牆三層四圍靠山之處築石牆一層牆上皆排列  
槍礮所以防我兵之攻勦也現在我兵勇駐紮該處者約  
計共有萬餘人遠近分紮不一皆因該處山深路狹難於  
進取臣以現在賊情及匪等所占地勢詳細審度竊以爲  
該匪巢穴深處萬山之中而山外周圍數十里皆曠野荒  
郊在該匪之意將以阻塞我兵使之不能進紮然後可以

遂其負隅自固之計我兵現在若但駐紮山口作遠攻之勢不惟出隊頗難卽日日出隊與爭而往返百餘里我勞賊逸我飢賊飽不爲所敗已屬幸事安能期於得手必須四面合攻步步爲營同時並進以分賊勢約定各路兵勇直逼賊巢山腳絕其出路又復與之死戰數次使其知畏然後乘閒窺隙智力並用庶幾可以得手現在溜川股匪近接省垣深爲肘腋之患自不可不迅圖攻克然此股賊勢旣衆地形亦險亦須早爲擘畫臣於稟見撫臣後卽當將所揣情形稟商辦理以期無誤事機所有臣沿途經過查看各府州縣地方並現在賊匪情形理合附片具奏伏乞

聖鑒訓示謹

奏

升授東藩謝 恩摺 同治三年九月二十一日

奏爲恭謝

天恩籲懇

陛見仰祈

聖鑒事竊 臣於同治三年九月十四日接奉撫 臣閻敬銘

行知九月初四日准內閣鈔出八月三十日奉

上諭丁寶楨著補授山東布政使欽此當由布政使 臣貢

璜移送藩司印信文卷到 臣謹於九月二十日祇領任事

當卽恭設香案望

闕叩頭謝

恩訖伏念 臣黔中下士樗櫟庸材由翰林院庶吉士在籍

辦理軍務

特旨授職編修

簡放湖南岳州府知府調補長沙府知府署理陝西按察使調補山東按察使未報涓埃彌深兢惕茲復渥承

恩命洊擢東藩聞

詔自天悚惶無地竊念山左屏蔽

畿輔藩司總匯錢糧財賦之綜覈宜嚴饒需之籌備尤急而整飭吏治通達民隱事事均關緊要臣以菲材膺茲重任雖冰淵之自慄實隕越之堪虞惟有仰懇

天恩准臣赴京

陛見跪聆



聖訓得所遵循庶幾勉竭駑駘稍冀仰答

高厚鴻慈於萬一所有微臣感激下忱並籲懇

陛見緣由謹恭摺叩謝

天恩伏祈

皇太后

皇上聖鑒訓示謹

奏

兼護撫篆謝

恩摺

同治四年十二月二十四日

奏爲恭報

微臣

兼護撫篆日期叩謝

天恩仰祈

聖鑒事竊

臣

接奉撫

臣

閻敬銘行知欽奉

上諭閻敬銘奏力疾回省懇恩賞假等語著賞假一箇月  
在省調理其巡撫印務卽著丁寶楨暫行兼護緊要事件  
仍由閻敬銘辦理欽此撫臣旋於二十三日抵省二十四  
日委中軍參將覺羅緒承濟南府知府蕭培元將山東巡  
撫並鹽政臨清關監督關防印信暨

王命旗牌書籍文卷等項齎送前來

臣

當卽恭設香案望

闕叩頭祇領任事訖伏念山東地廣政煩治理非易當此

拵氛暫靖民困未蘇防堵撫綏均關緊要臣在藩司本任  
勉盡心力時以叢脞爲虞現值兼權撫篆仍綰藩條深懼  
弗克負荷惟有隨時隨事與撫臣悉心商辦凡地方營務  
驛傳鹽課錢糧漕米海防關稅一切事宜督飭文武員弁  
實心經理力圖報稱斷不敢以暫時兼護稍涉因循以期  
仰報

高厚於萬一除恭疏具題外所有微臣感激下忱並兼護  
撫篆日期理合恭摺叩謝

天恩伏乞

皇太后

皇上聖鑒謹

奏

東綱疲累暫緩加價帶徵另籌京餼摺

同治五年二月初七日

奏爲東綱疲累請將鹽觔一半加價及帶徵銀兩仍准展緩並將指撥京餼另行設法籌解恭摺具陳仰祈

聖鑒事竊照東綱北運鹽觔加價前因商情疲累經據臣閻敬銘請自同治五年爲始一文加價每引應徵銀二錢二分以一錢一分仍提充餼下餘一半銀一錢一分及咸豐九十兩年帶徵銀一錢一分一併展緩兩年再行啟徵嗣奉部議以同治五年奏撥京餼案內於東省加價項下已撥銀七萬兩若將一半加價及帶徵銀兩展緩兩年則所收數目停減又須改撥仍令提解備用奏奉

諭旨遵行當經撫臣行司覈辦去後茲據鹽運使盧定勳

詳稱轉據各商呈稱東省疊被水患兵災引票各地幾無完區灘場多被水淹穰價一切莫不昂貴兼以近年水陸轉運腳價較前長至數倍成本過重賠累愈深一文加價與帶徵並交較正課增至一倍及半上年勉力完交實已筋疲力竭本年正課尙恐趕辦不及若再責令完交加價勢必貽誤課運該司復詳加體察以東網商散引碎疲累已非一日上年加價帶徵與正課同時並納交款喫重商力實屬難支現在開辦新綱各商畏葸不前幾無一引領運若不量加體恤恐商情渙散卽差追提比領運難期起色實於正課大有防礙擬請仍照前議將加價帶徵銀兩展緩兩年其卸退官商欠交咸豐九十兩年加價並無正

課可顧仍照限勒追完繳所有部撥京餼七萬兩並請另  
爲籌解等情詳請具奏前來臣查東綱北運鹽餉加價因  
商力日形疲累節經分別減裁議請展緩均將詳細情形  
歷次奏明在案茲奉部議因本年京餼業已撥銀七萬兩  
未便以收數停減復行改撥仍令提解在部臣慎重京餼  
按款指撥籌畫具有深心何敢再事瀆陳惟思鹽務重在  
正課而正課全恃銷引引不銷則課絀雖加價不見其多  
引全銷則課充卽減價亦不覺其少現在商力日憊聞此  
加價之說不准展緩似成定例輒致裹足不前若欲盡力  
追呼勢必致額引停銷徒有加價之名轉無完課之實所  
以迭次請緩者非專爲姑息商人實爲多銷引票多收課

款但京饒關係緊要加價請緩則已撥之七萬兩必須另籌補苴<sub>臣</sub>等再四思維擬於東省應解各路協饒內除地丁正耗外凡藩運糧道各庫無論各項零星款目由<sub>臣</sub>等隨時設法勻挪砌湊移緩就急總期將京饒七萬兩湊兌解清以符原撥之數不致稍有短絀其本年應徵一半加價及帶徵銀兩仍當籲懇

天恩俯如前請展緩兩年俾商人得以盡力趕辦新運不致貽誤如此變通辦理庶部庫無改撥之煩而東綱免誤公之累於京饒鹽課兩有裨益至此大騰挪湊解實因京饒撥定加價萬難催徵恐於要需有誤不得不設法兼顧以後所有京饒伏乞



飭部將加價停撥咸沐

鴻慈實無既極現在春運正開領引無多事關鹽務大局  
不揣冒昧理合恭摺附驛具陳伏乞

皇太后

皇上聖鑒謹

奏

馳赴濟甯商辦軍情片

同治五年二月初七日

再接准兩江督臣曾國藩來咨定於本月初九日由徐啟程赴濟甯察看軍情卽由曹州前赴歸陳進紮周家口等因查東省防勦各事原歸曾國藩督辦故前屆逆捻東竄東省飭軍防勦均經彼此函商以期協力現曾國藩移紮周口去東較遠此後一切防務及調動各軍籌布情形均須預爲商定非面議機宜不能詳悉現在撫臣閻敬銘尙請假養疾臣擬日內卽行馳赴濟甯面見曾國藩商議軍情期有定算惟省城撫藩兩署係臣兼理事件煩多耽延日久卽虞稽壓臣到濟商定後卽日馳回省垣以重事務合計往返程期不過十日內外合併聲明所有微臣暫行

出省面商軍情緣由謹附片具陳伏乞

聖鑒謹

奏

豫捻折竄東境移駐東平防勦摺

同治五年二月二十五日

奏爲豫捻折竄東境現在飭軍布防並卽移紮東平以顧北防各情形恭摺馳報仰祈

聖鑒事竊

臣

因兩江督

臣

曾國藩來東赴濟甯商議軍情

曾經奏

聞在案

臣

於本年二月十五日兩江督

臣

曾國藩於本月

十九日先後到濟當經商議防務以曹州邊界地勢遼闊防無可防且屢被賊擾土瘠民貧賊亦無甚希冀擬將東省各路防軍均卽調赴內地以防運河自濟甯起至黃運交匯之處一帶連營駐紮專守運河以防東竄力保完區其曹州一屬曾國藩自認以所派臬司潘鼎新一軍及各

路追勦之師與之角逐俾東軍扼之於內援軍躡之於外以收夾擊之效正在計議未行忽於本月二十二等日接據各路探報據稱逆捻張總愚由襄城西竄新鄭一帶突於十七日賊騎已至汴省西北各鄉勢欲東北趨竄等情當查逆情已由豫省北趨必將窺伺東省亟應嚴防布紮難於臨敵抽兵故前議未及卽行因飭東省駐防之總兵楊飛熊八營仍駐荷澤之金堤集防其由考入荷之路副將王心安八營仍駐曹縣之魏家灣防其蘭考入曹之路復飭知府王成謙統帶常武十營馳赴開河袁口一帶嚴防運河北路以顧腹地其金嘉濟甯一路已經曾國藩飭派臬司潘鼎新一軍馳紮嘉祥以顧南防業經分飭遵行

去後二十三、四等日復據駐防魏灣營中探報該逆馬隊竟向東境奔竄於二十一日已至曹考交界之許河寨長樂寨一帶又據定陶縣稟報二十三日逆騎竄至該縣境林窪喬樓一帶大股賊捻均在後未動各等情伏查捻騎剽疾晝夜狂奔已入東境其後股必將廣至曹郡地當瘠苦無從得食勢必蓄銳東趨圖擾腹地臣得信後當卽飛飭駐曹之魏家灣金堤集兩路防軍勿論賊從何途竄入均卽勒軍迎擊截勦務遏其鋒如賊已繞從我軍之後卽兼程繞截趕出賊前遏其由鄆鉅渡運之路一面飛飭駐紮開河各營嚴密防守臬司潘鼎新一軍亦卽進紮嘉祥期於金鄉鉅野兩路可以迎勦至濟甯地方已有曾國藩

駐紮調度臣擬拜摺後卽行移駐東平督飭開河十營布置運岸兼顧省南及河北防務以期周密除到東平布置後再將情形馳報外所有逆氛已入東境及各路籌布防勦並臣移駐東平督辦河防各情由理合由驛馳奏伏乞  
皇太后

皇上聖鑒謹

奏

籌辦防勦事宜並交卸護撫篆回省摺

同治五年三月初一日

奏爲連日籌布防勦軍情並

微臣

交卸護理巡撫篆務回

省日期恭摺馳奏仰祈

聖鑒事竊

臣

於本年二月二十五日曾將捻股竄入東境

分路飭軍防勦並

臣

移駐東平督布河防各情具奏在案

臣拜摺後卽行馳赴開河袁路口安山一帶親巡河岸察

看運河形勢查自開河以南有蜀山馬踏南旺各湖濱隔

運岸逆蹤稍難竄突長溝一帶有曾國藩督飭潘鼎新駐

濟之軍兼顧河防或可無慮惟自開河以北直至靳口三

十里內河身極窄水勢尤淺處處可虞上年逆匪兩次竄

運皆取道於此自應嚴密設防

臣

因飭知府王成謙督率



常武各營並調泰安營兵丁二百名密布該處連營駐紮其自靳口至安山相距三十里因兵勇不敷分布又飭派東平州挑募團勇五百名協同分駐其沈家口地方向爲黃河穿運之處近因淤墊過高水勢極淺已派副將閻鳳山一營駐紮以期聯絡惟該處長有十餘里水淺岸平徒步可涉而東省兵力實已無可分調前派總兵趙三元所帶利捷中營礮船水師一營梭巡河面與岸上旱隊互爲聲援現擬飭知該鎮再添雇礮划二十隻駐紮沈口上下一帶與閻鳳山之營相爲援應稍壯聲威其黃河北岸防務臣亦飛飭沿河各州縣督飭民團駐守河岸並飛調東昌營參將韋應麒范縣營守備姚鴻烈各帶勇丁分布要

隘又飭都司楊長林管帶利捷左右兩營礮船水師會同直隸礮船於壽陽范渢一路嚴密梭巡以重河防臣分布後當於二月二十六日移駐東平以期居中調度連日接據曹郡各營及各地地方稟報據稱二月二十三日駐紮魏家灣副將王心安各營探知賊股由考城攔入東境當卽於是日出隊扼擊行至曹縣之呂寨地方卽遇賊馬成羣蜂擁而來望見我軍愈集愈衆經副將王心安督飭遊擊王正起居中迎擊總兵陳錫周參將宋延德分爲兩翼接應鼓行而前衝壓賊陣小有斬擒賊勢不支遂卽潰散該副將等督飭各軍乘勝追逐直至考城之許河寨王莊一帶始行收隊回營乃該逆由曹縣入東經軍截扼遂復折

從東明荷澤交界竄入東省定陶鉅野境內據駐紮金隄集總兵楊飛熊稟稱探知該逆復行入境當卽出隊迎擊行至半日未見賊匪大股僅遇邊馬紛馳經軍追壓遂狂竄迤北而逃等情又迭據各州縣探報該逆自經我軍扼勦遂多放邊馬肆出奔突牽制我軍其大股晝伏夜行情狀詭祕現聞均麇集於荷澤之半截隄鉅野之太平集一帶副將王心安會同總兵楊飛熊兩軍扼之於南王心安復分軍飭王正起帶馬步五營赴鉅野一帶繞扼東趨各等情伏查該逆股自二月二十二日入東境經我軍扼截未敢卽行東犯而盤旋於鄆鉅之交業經七八日之久彼處無從擄掠勢必東趨開河袁口沈口之防最爲喫重現

飭令河岸防軍嚴切防備期與西路之軍前後夾擊惟東省兵力僅足撐持而勦洗逆氛必賴大枝勁旅現經曾國藩催調李昭慶追勦之師剋期來東期可收取殲之效而免衝突之虞此連日布置防勦之情形也

臣

兼理撫藩兩

署事務督軍在外遂不能兼顧省中兩地分心正深焦急

幸撫

臣

閻敬銘以軍務緊要未敢因病耽逸致誤地方因

力疾來營督視軍事俾

臣

可以回顧省垣茲於二月二十

九日由省到東平營次

臣

卽於三月初一日謹將山東巡

撫關防一顆鹽政印信臨清關關防各一顆暨在營旗牌

文卷各等件派員齎送

臣

於交卸後卽兼程回省以便布

置省防而免貽誤除由撫

臣

再將防勦情形隨時奏報外

所有微臣連日籌布各路防勦軍情及交卸護理巡撫篆務暨回省日期各緣由理合由驛恭摺具奏伏乞

皇太后

皇上聖鑒謹

奏

賞還二品頂戴敬陳下悃摺

同治五年十月二十六日

奏爲渥被

天恩瀝陳下悃籲懇

收還成命以責後效而飭戎行仰祈

聖鑒事竊

臣

於同治五年十月二十五日接奉撫

臣

閻敬

銘行知同治五年十月二十日內閣奉

上諭山東布政使丁寶楨前因髮捻竄擾所轄境內未能  
助勦降爲四品頂戴比年以來逆匪屢圖東竄巡撫閻敬  
銘出省督勦該藩司布置省城防守等事宜均屬妥協尙  
知奮勉丁寶楨著加恩賞還二品頂戴欽此跪讀之下感  
激涕零伏念

臣

一介庸愚疊邀

恩遇自慚非分未報涓埃前因髮捻竄擾轄境未能助勦  
負咎滋深乃蒙

寬典僅示薄懲感

矜恤之逾恆非意想所敢及茲以逆匪屢圖東竄辦理省  
防復荷

聖恩賞還頂戴自

天聞命伏地汗流竊惟微勞必錄原出

聖主之殊恩而圖報未能實屬人臣之隱疚臣自念去歲

曹州之役親王僧格林沁督兵追勦臣奉令駐防濟甯既

不能奮勵戎行立除頑慝又未及躬隨戰陣共挫兇鋒乃

以戎機偶失竟致喪我重臣方今罪人未得

國家之雋憤在心逆賊猶張地方之瘡痍滿目臣撫衷循

省悚惕莫名卽以本年逆匪疊次竄撲河防仰賴

天威保全無事而在外督辦者則撫臣聞敬銘之力也在

事效命者則各營諸將士之功也臣株守省垣寸籌莫展

雖辦理防務實屬職守所當爲若遽仰邀

曠典寢饋實有難安伏祈

皇上俯鑒微忱

收還成命俟臣日後犬馬報效稍有微長或逆股就除再

霈恩膏俾益勵後效以贖前愆庶幾渥被

隆施問心差覺無愧臣不勝感激悚惶之至謹恭摺瀝陳

伏乞



皇太后

皇上聖鑒訓示謹

奏

接署撫篆出省巡閱河防摺

同治五年十一月十六日

奏爲恭謝

天恩並報

微臣

接篆日期及出省巡閱河防各情恭摺仰

祈

聖鑒事竊

臣

於同治五年十一月初七日接奉撫

臣

閻敬

銘行知同治五年十一月初三日奉

上諭閻敬銘奏因病懇請開缺一摺閻敬銘著賞假三箇月安心調理山東巡撫著丁寶楨暫行署理欽此又接奉傳諭軍機處同日寄奉

上諭閻敬銘奏勦辦髮捻股匪籌防黃運兩河情形並因病懇請開缺一摺丁寶楨接奉此旨卽著馳赴東平接

辦防務各等因欽此伏念臣材識庸愚毫無報稱疊邀

恩眷未効涓埃茲復仰膺

簡命署任封圻感悚交并惶汗無地惟念撫臣積勞養疾

正值防務綦嚴不敢固辭自耽安逸正擬束裝馳赴東平

適接撫臣閻敬銘函稱以賊蹤違竄業經奏明回省交卸

飭臣暫緩起程趕將藩司衙門庫款一切及省城應辦各

事妥速料理再行出省以免錯誤因遂暫緩行期本月十

三日撫臣閻敬銘力疾回抵省垣隨於十六日飭派中軍

參將緒承濟南府知府蕭培元齎送山東巡撫關防鹽政

臨清關關防各一顆暨

王命旗牌及文卷等件前來臣謹卽恭設香案望

關叩頭祇謝

天恩謹領任事訖竊查東省急務軍旅爲先而時值嚴冬  
河防尤關緊要現在髮捻逆股遠遁豫疆頃據探稱已由  
汝甯南竄去東雖已漸遠但賊情飄忽防仍不可暫鬆茲  
查黃運兩路重防均經閭敬銘布置周妥惟慮軍心或有  
懈弛必須親往巡閱加密籌維臣現擬於本月二十一日  
隨帶員弁親自馳赴河北濮范壽張查閱黃河一帶防守  
情形再由張秋過河從沈口安山直抵濟甯沿運河隄牆  
各路防營均行細爲查閱再行回駐東平俾軍心有所戒  
備防務益臻嚴密臣衙門日行文卷當飭署藩司代折代  
行其緊要一切事件仍包封送行營由臣逐日詳覈辦理

總期矢勤矢慎勉竭駑駘以仰副

鴻慈於萬一所有

微臣

感激下忱暨接篆出省各日期理

合恭摺具奏伏乞

皇太后

皇上聖鑒謹

奏

查看隄工河防回駐東平摺

同治五年十二月初八日

奏爲查看濮范隄工並巡閱黃運兩河布置防營現仍回駐東平各情恭摺具奏仰祈

聖鑒事竊

臣

於十一月十六日曾將出省閱防由河北直

赴濟甯查看情形具奏在案當於十一月二十一日隨帶員弁由省起程直抵濮范彼處舊築金隄一道因本年黃流浸灌均形坍塌經撫

臣

閻敬銘飭派兗沂曹濟道文彬

督率沿河州縣勸諭民團將濮范沿河一帶舊隄另行修築加高培寬當經該道督飭濮范觀朝聊陽壽莘冠等九州縣均各勸諭紳民捐資出力迅行興工據各屬報稱多已陸續完竣

臣

因親行沿隄閱看所修隄座約寬三四丈

高亦一丈二三尺不等尙足抵禦漫水衝溢惟觀縣壽張  
尙未一律完工已嚴飭其趕緊修築復順隄查閱河北防  
營自濮州起至豆腐店止係直隸兵勇分守地界徧築河  
牆高寬亦均逾丈牆上安設垛口分立礮臺各軍沿牆挨  
段駐守布置亦極周密其張秋黃運交穿之處現值水落  
河分三汊亦經提督傅振邦督飭兵勇於河身涸復處所  
橫列營牆三座層層駐守並將各號礮船分起布守黃運  
兩河兵力足相聯貫臣因由張秋過河由沈口運河沿牆  
查看直抵濟甯所有運河各營先經撫臣閻敬銘布置均  
已妥協刻因水勢消落各營均於隄下加挖重溝安設木  
柵並於河內設船敲打冰凌各營勇丁均屬齊整直至長

溝百餘里之內一律如式尙爲足恃其長溝迤南防地原係曾國藩奏明歸淮軍布防昨經督臣李鴻章函商撫臣閻敬銘擬將長溝濟甯至石佛趙村一段八十餘里之地撥由東省設防抽出淮軍赴徐以爲游擊經閻敬銘函復以東省兵力甚單現屆天寒河凍河北之防尤爲緊急刻下調撥多營駐防河北勢難兼顧請俟立春冰融之後黃河防務稍鬆再將河北防軍酌調接防商定在案現屆春令將至亦應預籌布置臣因赴濟甯南北一帶沿岸察看情形彼處隄牆亦經淮軍各營修築完整分段駐守其石佛之南新店一帶地勢夏秋之間積潦成湖可以無須兵力現時水涸二十餘里均成乾地又南陽湖一帶河冰凍



近在在可虞先經臬司潘鼎新派該營水師礮船四十餘號分巡湖濱以資守禦惟地長人少深慮空虛適潘鼎新一軍在單縣駐紮臣以駐軍邊圉無險可扼不如暫回駐濟期爲周市當與潘鼎新商議意見相同因咨商李鴻章飭將潘鼎新一軍調回濟甯暫行駐紮與張桂芳李昌樂各營互相聯絡專顧濟甯南北一段運河以重冬防俟明年正月再由東省派軍接守此連日察看河防及密籌布置之情形也連日接據豫省探報據稱任賴股匪已竄至湖北麻城黃陂一帶張總愚股匪仍在陝西藍田一帶盤旋去東均各甚遠臣因冬防喫緊未敢以賊蹤遠遁稍形鬆懈仍飭在防將弁逐日戒嚴一如臨敵之際嚴籌環布

仍一面勤加操練準備出勦以作士氣臣於本月初六日  
回駐東平行營以期就近督率除再將辦理情形具奏外  
所有查看濮范隄工及巡閱黃運兩河防營各緣由理合  
恭摺馳奏伏乞

皇太后

皇上聖鑒訓示謹

奏

調兵換防兼籌防勦摺

同治五年十二月二十三日

奏爲抽調河北防兵赴濟甯一帶接換淮軍防地並酌量分布運防兼籌勦兵各情恭摺仰祈

聖鑒事竊查運防汛地前經曾國藩奏明自長溝池北歸東軍防守長溝池南歸淮軍防守嗣李鴻章函商擬將長溝濟甯石佛趙村一段均歸東省設防抽出淮軍以爲游擊經撫臣閻敬銘議以冬防河凍河北防務緊要已將運防各軍酌調河北此時力難兼顧俟立春後河冰消融河北防務稍鬆再行移軍接守濟防經臣前次奏明在案刻下將近春令今年冬暖河冰凍結尙不甚厚日來漸就泮散河溜寬深無虞偷越自應如閻敬銘原議將前調防河

北各軍酌量調回並將運防各軍量行南移迅換淮軍之防俾淮軍騰出以便李鴻章隨時相機調度游擊茲計淮防汛地自長溝至趙村共七十餘里原係提督張桂芳總兵李昌樂各軍分守又趙村至新店因湖水乾涸亦成平地臣前經暫令臬司潘鼎新兼顧現在已經換防均應一律接守茲擬將提督傅振邦所帶青萊等營兵丁七百名及遊擊郭大勝馮勝林兩營勇丁一千名調赴濟甯之南自新店起至趙村一段設守將道員王成謙所帶常武馬步十四營調赴濟甯一帶自趙村起至長溝一段勻布設守自長溝至開河一段內外皆隔重湖冬令冰結必須布兵設險一屆春融皆成沮洳賊難偷越且長溝開河兩路

均有勇營足敷守禦可以毋庸兵力自開河至劉老口一段原係常武軍防守汛地現調回河北防軍副將莫組紳同知劉時霖二營共一千二百人設守均限於明年正月初十日一律到防自劉老口以北直至沈口原係總兵楊飛熊王心安副將王正起三軍分布現均令仍照舊段分紮至河北之防雖屆春融冰泮亦宜加意防備現仍留參將韋應麒遊擊陳占鼇姚鴻烈王壽朋各路兵營並礮船水師照舊駐紮是河北之防地險牆高兵力足資憑守當無足慮惟曹西一帶迭經匪擾現在守局稍定將來賊果東趨不能不抽兵游擊以遏兇鋒臣現籌令王成謙騰出七營暫紮安居與副將王正起八營作爲戰兵飭其勤加

操練准備游勦此現籌調軍接換濟防及布置各防營並  
預備勦擊之情形也查東省兵力本屬無多而饟項又形  
支絀臣職司軍旅惟有就現有兵力勉力圖維連日斟酌  
布置已定日來接據各路探報任賴各逆現由湖北應城  
竄赴天門京山鍾祥一帶盤踞張逆股匪現尙在陝西之  
藍田盩厔渭南附近一帶游弋去東均各較遠惟賊蹤飄  
忽奔竄靡常現在各營將士守備均屬周密臣復時加稽  
查不使以賊蹤較遠稍存鬆懈所有調軍換防並預籌防  
勦各緣由理合恭摺馳奏以慰

宸廑再

臣

前月出省恩遽署中各事未及清釐本年

大計經撫

臣

閻敬銘奏請暫緩現亦屆期趁此賊蹤較遠

臣擬於本月二十三日拜摺後暫行回省趕緊辦理如有賊警仍當兼程馳回行營以期兼顧合併陳明伏乞

皇太后

皇上聖鑒謹

奏

募黑龍江壯丁訓練馬隊摺

同治五年十二月二十三日

奏爲擬請變通募勇章程招募黑龍江壯丁訓練馬隊冀成勁旅以利攻勦恭摺仰祈

聖鑒事竊惟用兵之法審勢爲先得勢則可以制勝失勢則宜於改圖方今捻逆奔竄無定恃馬力以恣獷悍而又得地利以盡馳驅禍連數年擾及數省雖有勁兵終難制其死命此誠馬步之勢有不相敵而計之急宜早變者也顧或謂今日各省之中無不知南北異宜日以挑練馬隊爲急然挑練之法非將營兵配以馬匹卽係招募馬勇臣謂二者俱難得力何也緣營馬兵本屬無幾加以近來兵制廢弛馬兵率多無馬強爲練習筋骨已多拘攣卽騎坐



亦恐不靈就使需以時日訓練成軍控縱雖可自如而馬上施放槍礮終形扞格置之軍中以之偵探接應則可用以之衝鋒冒鎗則不能且餵養馬匹尤難得力此馬兵之難於得用也馬勇出於招募一呼可數百人類皆四方湊集挾馬持矛藉軍營爲求食之地心志絕不相習技藝亦不熟練閒有技藝可觀能於打仗而勇怯不一卽進退不齊縱使督帶得人接仗之時終覺參差難於收效且應募者素非善良之輩約束一不如法則擾害及於地方每遇遣撤易流爲寇是往日訓練之方更資爲盜賊之用此馬勇之絕不可用也於是有請調黑龍江馬兵應用者聞近來東三省兵丁多經外調漸不如額故外省所請多亦不

過一千名少或數百名大凡馬隊制勝施於曠野宜多宜聚分合自如近來捻寇之馬動輒數千故得逞其狡計今以數百馬隊遇絕狂鋒衆寡之勢旣殊強弱之形立見而黑龍江兵丁往往有營兵習氣非本地之人不能管帶故與勇營終不相聯接仗亦彼此不顧况東三省馬隊要非見賊卽能戰也調之到營亦須寬其時日勤加訓練乃漸可用若驟調其來卽驅之使戰亦不得力各省所請東三省馬隊多不能見功者未始不由於此我

朝武功震疊炳耀古今本以騎射制勝近來各省兵勇雖均得力而馬隊之用惟僧格林沁獨擅其長自去年後各省中一無精銳馬隊足備緩急此未必非用之不得其人

而練之不得其法也臣再四思維計欲制敵於北方非馬隊不可欲馬隊之得力非用東三省之人不可今該處兵丁恐難多調然調兵則慮限於額募勇則但視乎人向聞該處民人多以打生爲業素習騎射馬槍技藝本其所長如能仿照各省招募勇丁之法選派員弁前往彼處挑募樸實壯丁按照勇營章程設立營哨編成隊伍勤加操練必當得力騎射素嫻訓練自易一也無東三省兵營之習氣而有東三省兵丁之技能二也擒賊未平足資攻勦賊平之後易於遣回免滋流弊三也調東三省之人至東訓練同爲北地水土亦宜較之南省兵勇來此尤爲便習四也由內地自立營哨則易於管束且與兵勇亦相聯絡五

也顧或者曰東三省募勇道里遙遠未爲得計然湘楚之軍近亦多調赴豫東陝甘各省相去四五百里未始不遠卒未聞憚其遠而不來也惟所慮者該處民人言語素不相通茲擬調之遠來必須先募通曉內外言語者數人置之軍營以爲通事方易施其訓練臣到東四載熟察勦賊之情形詳審馬兵之利鈍有斷斷非此不爲功者用敢不揣冒昧思欲變通成法冀効一得之愚如蒙

俞允臣卽籌備餼精選派妥員前赴東三省挑募壯丁三千名並請

敕下該三省將軍遵照俟東省員弁到日由該將軍遴派得力之員會同招募分起陸續管帶來東由臣分立營哨

酌定陣勢親自督帶訓練以備攻勦至此項應需馬匹過多採買不易仰懇

天恩俯准仿照督

臣

李鴻章奏於牧羣籌撥健壯馬三千

匹解送該省卽於挑勇成軍之時按名點交各勇騎帶前來以便看養而資迅速所有招募川資及口糧一切俱由東省籌用竊計此項三千馬隊如能訓練成軍較之步勇萬人尤爲得力練成之後

臣

再將步營量爲遣撤截長補

短期於兵餽兩有所濟至一切招募及編立營制哨隊並支給口分薪水各章程均應俟奉

旨准行後由

臣

悉心妥議再行詳細具陳

臣

愚昧之見是

否有當謹恭摺陳伏乞

皇太后

皇上聖鑒謹

奏

馬隊營制章程摺

同治六年正月十一日

奏爲遵

旨籌議募東三省壯丁訓練馬隊營制口糧薪水各章程  
恭摺覆陳仰祈

聖鑒事竊

臣

於同治六年正月初一日接准兵部火票遞

到同治五年十二月二十七日奉

上諭丁寶楨奏請招募東三省壯丁訓練馬隊一摺據稱  
制捻之方非馬隊不能得力而綠營練習馬兵旣難得力  
招募馬勇又絕不可用東三省兵丁往往有營兵習氣與  
營勇不相聯絡亦不得力擬請變通成法派員東三省挑  
募壯丁三千名來東立營訓練等語所陳各節均尙不爲

無見卽著丁寶楨將一切招募編立營制哨隊並口分薪水章程悉心妥議詳細具奏俟奏到再降旨諭令東三省將軍遵照派員會同招募該署撫所請在牧羣籌撥馬匹著一併俟奏到後再降旨辦理欽此跪誦之下仰見我皇上籌備戎行芻蕘必採之至意欽感莫名伏念招募東三省壯丁訓練馬隊事屬創舉事既創則法無可因所有一切營哨之制訓練之方口分馬乾之需薪水雜支之費非妥議規模覈定多寡不足以資遵守臣謹就步隊與馬隊其間或同或異各情形互相參考其中有可以仿照步勇章程者有必須另立法紀者有宜於參用舊章者因勢制宜悉心覈議如挑選壯丁取其樸野而去其輕滑取其



的實而防其冒充取其互保而嚴其私逃此則招募之法  
馬隊與步隊無異可以仿照步勇章程辦理者也至於分  
營列哨馬隊宜少不宜多少則呼應易靈多則指揮不便  
臨敵決戰馬隊貴散尤貴整散則馳騁自如整則紀律不  
亂而且步伐止齊分合進退操縱率多變化機勢要於迅  
捷此則營規戰法馬隊與步隊迥殊必須另立法紀者也  
若夫壯丁口分馬匹乾銀員弁薪水營務雜支各項既須  
力求撙節又必得其飽騰則惟有酌量現在之時勢參考  
舊日之章程期於不啻不濫然後兵饒兩有所益近日募  
勇口糧章程湘勇出省則經曾國藩奏明每名月給銀四  
兩五錢至四兩二錢楚勇出省則經胡林翼奏明每名月

給銀四兩五錢山東奏募楚勇則經閭敬銘每名月給銀三兩六錢專指募湖北楚勇而言湘勇則不在此例

臣由

湘到東奉

旨募帶湘勇每名照湘勇酌減六錢月給銀三兩九錢此則步勇口分之有舊章可循者也又查僧格林沁馬兵章程馬兵每名鹽菜跟役駝馬月支銀五兩六錢五分三釐而一應米麪麩草料豆多出於州縣之供給故東省州縣於僧營皆有軍需報銷歷經奏咨有案是僧營每馬兵一名名爲月支銀五兩六錢五分三釐實則多至七兩七八錢不等名雖減而實則增故馬兵尙不至於拮据至於楚軍馬隊每名約在七兩六錢之數此則馬隊口分之有舊

章可循者也夫遠道募勇該勇丁閒關跋涉千里從征食  
用較近地加昂告貸無親友可助必須厚其口食乃可以  
養其身而用其命也且募勇與調兵不同兵有行糧坐糧  
之分有俸賞行裝之費勇則專賴日給口分所以養身養  
家者均在此更不能不稍爲優給今招募東三省壯丁  
來東遠則三千數百里近亦二千數百里較之雇募楚勇  
尤爲遙遠而東省連年賊擾客兵來往過境幾無虛日米  
麵麩料豆草日見昂貴錢價亦日見加增計每勇一名非  
日給銀一錢二三分不能自給每馬一匹非日給乾銀一  
錢二分亦不敷餵養若但求節省使壯丁口食不足則必  
至有打糧之弊馬匹餵養不足則必至成瘦斃之形又况

馬隊修補鞍屨之費釘掌之費燭油之費更須酌量給發萬不能稍從減省且臣自帶勇到東從不分毫擾派州縣所以杜其藉款冒銷之習也茲若口分一切不稍爲優給雖欲不藉助於地方勢必不能一經藉助則日後冒銷各弊必不能除是減實在之支給徒增無名之開銷軍需之濫實由於此此次招募馬隊其口糧馬乾薪水雜費各項應請參用湘楚招募馬步各勇舊章酌中損益覈明定數以期士不飢而馬不疲斯於軍行有裨臣謹詳加考覈議定章程十四條繕具清單恭呈

御覽如蒙

俞允

臣卽咨行黑龍江吉林等處將軍都統知照並應請

敕下該將軍都統於東省委員到日遴派得力大員會同辦理俾得迅速募齊分起管帶前來趕爲訓練以備攻勦至臣前請仿照李鴻章奏請調撥牧羣馬匹係因買馬經費款鉅難籌是以懇

恩派撥近聞該處馬匹亦因頻年調處過多孳生日少恐不敷調若俟往返籌商又慮久延時日臣現擬另行籌款自行買備相應請

旨敕下兵部俟委員到京時迅發護照並請

飭知沿途各關免其抽稅感戴

鴻慈實無暨極所有遵

旨籌議招募馬隊營制口糧薪乾各緣由謹恭摺覆陳伏

乞

皇太后

皇上聖鑒訓示遵行謹

奏

謹將東省酌議募練馬隊章程分列條款繕具清單恭呈  
御覽

一壯丁宜慎選以期得力也查東三省人向來以黑龍江  
爲最可用吉林次之此次募丁擬專募黑龍江但該處自  
軍興以來征調不少隨調隨撤其中亦恐有多年在營漸  
染軍營油滑氣習者選募時宜擇烏拉打生之人多募如  
募不足數則以年力少壯言貌樸拙者詳加挑選如舉動  
伶俐言語輕肆之輩概不入選

一選募宜取保以資稽察也查東三省壯丁多係未食錢  
糧名爲閒散其人皆有戶口冊籍在官可考無慮來歷不  
明惟近來多有內地民人轉徙到彼謀生者此次募勇原

系專用東三省土著之人期於樸野得力既防內地遷徙  
民人藉此冒充且調之遠來亦恐間有逃亡無從查考選  
募時宜取具的實連環互保甘結應請該處將軍派出得  
力之員會同挑選每挑取一人須查明其住址及有無父  
母兄弟妻子並詢明保人若何取具甘結二分一存該處  
將軍衙門一帶回營存案以杜冒充並備日後逃亡可以  
按冊查拏卽事平之後遣撤回籍各有稽考不致散漫無  
歸致滋流弊

一成軍宜分起行走以便約束也自東三省募勇來東道  
里遠則三千數百里近亦二千餘里沿途行走一切尖宿  
地方必須安頓以便約束且所募既多如須募齊後一同



前來恐選募旣需時日到後又須訓練必多耽延近來賊勢蔓延急不能待自應趕爲辦理此次選募擬委派結實明練文武大員二人隨帶營官二十四人督同挑選每營官二人招募二百五十人卽爲一營歸其管帶如募成兩營卽飭分爲一起管帶啟行前來隨到隨練俾前到者旣經練熟後到者卽可照樣操演庶不致曠延時日可應急需

一營制宜簡練以期節制也凡用騎兵與用步隊異步隊全恃人力人數雖多亦易節制呼應故步勇均以五百數十人或六百數十人爲一營騎兵則人力與馬力並用人數過多則易於雜亂且得用全在馳騁人多則馬亦多閒

時操演指揮自能如意一經臨陣若人數過多一切進退  
步伐前後相去較遠雖十分熟練亦恐氣息一刻難通不  
免參差貽誤茲擬酌定以二百五十人爲一營三千人共  
分十二營十二營分爲前四營中四營後四營每四營中  
又分出前後左右各一營每一營中以五十人爲一哨分  
爲前後中左右五哨如此則各歸各伍不致人數多寡參  
差用昭畫一

一管帶宜擇定以專責成也營制既定以二百五十人爲  
一營必須設立營官二人一正一副互相鉗制每遇操演  
副營官專司領隊正營官專司督隊臨敵亦然一營之中  
前後中左右五哨各設哨長一人以爲一哨領隊各哨五

十人俱歸哨長約束訓練五十人之中又分十人爲一排於十人中擇一人爲什長管帶九人至十二營分爲前中後各四營應另揀派統領二人分統前後八營其中營卽歸主將督帶以備臨陣督隊分路策應之用如此則統領嚴管營官營官嚴管哨長哨長嚴管什長層層節制彼此相維相繫庶事有專責方得指臂之助

一隊伍宜申明以免混亂也各營旣分營哨則隊伍急須派定俾勇丁各有職司得以專心演習茲以每哨之五十人分爲五排每排排長一人餘四十五人以前左右三排共二十七名作小槍手中九名爲弓箭手後九名爲長矛手如遇操演或臨敵每隊排長執矛旗領隊各騎兵分執

槍箭長矛隨各排長向前每一隊分爲五排小槍在前弓箭繼之長矛又繼之彼此挨次而進不可間斷

一行列宜分定以示整齊也隊伍旣分急須明定行列以清耳目目前旣分十二營爲前中後各四營凡遇操練及臨陣時自須各立旗幟各分旗色以便識認各營壯丁令各認旗歸隊如前四營之前後左右營不得混入中後營中後營亦不得混入前營卽前四營中每一營之前後左右亦不得自相混入中後營亦如之切不可稍涉錯亂以免淆雜擁擠之弊平日訓練此爲要緊臨陣尤宜加意

一練隊宜按序以明進退也練丁旣定行列尤宜預分先後凡遇操演及臨陣時前中後各分爲三起依次前進不

可凌躡每一營副營官執令旗一面在前領隊正營官執令旗一面在後督隊每營二百五十人分爲五隊各相離半箭地平平立定視營官之令旗進退上下各哨長卽執各哨旗分領各哨隨之不得亂離如第一排鳥槍進或從左旋折下第二排鳥槍繼進亦從左折第三排亦如之須用連環槍互爲上下其第四排弓箭手則張弓搭箭作勢向左第五排長矛亦伸矛作勢向左右折亦如之如槍手折回時賊乘機突我則弓箭長矛齊上迎拒俾槍手得以裝槍繼上各營均照此進其中後八營則視前四營進退如前勝則各隊繼進前退則中四營接應前進後四營分隊旁抄總期相機策應不准卽退

一陣法宜講明以期制勝也西北用兵與東南迥異緣東南皆步賊其地又多山川溝塍之險兵行過整則難免叢雜喧攘之弊故用兵宜散中見整乃可得力西北極平行而賊又盡用騎兵行過散恐一被衝突易至散漫難收大爲貽誤然不散則又慮擁擠不開故用兵總宜整中見散以便互相聯絡卽散之中仍須各自爲整其要在於不使敵騎得以衝突而我又能馳逐肆勦方爲制勝大約用騎兵之法其要有四一曰衝二曰繞三曰裹四曰抄茲擬定操練之法各營中以五十人爲一哨每營五哨各整各哨相間繼進每哨五排亦各整各排相間輪上循環無端各營中務令散中有整整中有散斯爲合法其槍法總以進

步連環爲准如遇敵交綏以前四營作前敵分爲四路乘勢直衝連環小槍隨進隨下左右環抱不令歇聲中營居中亦分四路立定視前所向作爲兩翼隨勢接應後四營則於前營初見敵時卽由後分四路或分兩路散布遠勢由左右包裹而前四出盤旋以伺敵人之隙若前四營直衝不勝則疾趨分進環而裹之以分賊勢賊若詭譎不受包裹則前後八營各分八路四面兜擊或分兩路對面夾擊中四營則從旁分抄或從後截勦期於層出迭應不致爲賊所乘或可期戰勝之效

一營哨宜津貼以杜侵蝕也此次訓練馬隊擬由主將自行統帶中軍四營其左右翼則分設統領官二員各帶四

營共爲十二營仍每營各設營官一員幫帶官一員每營之中又分五哨每哨各設哨官一員所有統領營官各員應請照例支給鹽糧等項銀兩至各營哨官每以千總把總微弁充當其例支口糧每月不過五六兩尙不及一馬勇之數而其一切費用較之勇多至數倍未免較少擬請每名除例支口糧外每月各加給津貼公費銀二十兩以資辦公而杜侵蝕此外營中應需文武員弁親軍小隊及醫生獸醫等以備辦理文案稽查彈壓偵探軍情押運糧餉等事差遣均請查照軍營定章支給應得例支鹽糧等銀其一切軍火器械號衣旗幟鍋帳鞍轡等件統由軍需總局照例製造發給分案核實報銷該統領營哨各官既



有例支銀兩足敷辦公此外不准違例濫支並嚴禁假借公事名目在各勇名下剋扣一經查出立即嚴行參辦以重公帑而肅戎行

一勇糧宜酌中以期飽騰也勇丁遠道從征必使食用不  
乏方能責其踴躍用命近年楚湘各軍出省征勦歷次奏  
定口糧銀數或四兩五錢或四兩二錢以至三兩九錢三  
兩六錢不等均隨道里遠近酌量增減所以體恤征夫振  
作士氣也此次創議自黑龍江招募馬勇比之楚湘各路  
尤爲遙遠所有該勇口糧應略爲加增以示鼓勵惟近來  
庫款支絀不得不於優厚之中仍思撙節之法擬請每勇  
一名從減援照湘勇之例每月支給口糧銀三兩九錢其

什長統率十人爲伍中頭目應比散勇略爲加增擬請援照楚勇之例每名每月支給口糧銀四兩二錢均按大小建月扣算至每營應設藍旗三名專司號令旗鼓字識五名承辦冊籍文書均照什長例給與口糧該勇丁等旣凍餒無憂可冀訓練日精相與竭力馳驅効命疆場矣

一馬乾宜優給以利追勦也軍行之地逼近賊蹤商賈每多裹足不前糧草時當騰貴若所給乾銀不敷喂養則馬匹易致疲瘦不任馳驅應請援照京旗及黑龍江等處馬隊成案每馬一匹每日支給乾銀一錢責成該勇丁加意喂養務令臚壯統領官隨時嚴密稽查其馬匹倒斃如與例定年限成數相符者准其官爲買補作正開銷儻有剋

減草料致令馬匹因而倒斃者除照例懲辦外仍罰令該勇買馬賠補並將不善管理以致馬匹疲瘦倒斃較多之營哨各官責革如此認真辦理庶士飽馬騰克成勁旅再馬匹全在夜間加意喂養方能壯健又閒時操練臨敵追勦鞍韉釘掌尤易損壞所有該勇丁應須油燭及一切修理鞍韉釘掌雜費擬每馬一匹每月另給雜費銀三錢以備各項急需應請一併准其作正開銷以裨馬政

一長夫宜酌加以供轉運也馬隊進勦賊匪利於便捷所有隨營應用鍋帳子藥糧草軍裝等項勢不能挈帶馬上致礙追逐閒遇勇丁連日打仗追奔及其戰勝歸伍人馬之力均已疲乏若責令該勇自行造飯及喂養馬匹則日

夜不得休息縱極精銳難期持久擬請援照楚勇之例每  
勇二名給與長夫一名每長夫一名每日支給口糧銀八  
分以備運送鍋帳等物及造飯喂馬之用又長夫每二名  
合給騎駝一隻每駝一隻日給乾銀五分以便移營進剿  
時該長夫得以乘騎緊跟不致與勇隊馬步異形後先相  
失且該隊既有長夫則凡遇打仗之時有長夫爲之留守  
營盤馬隊自可全軍出戰無庸酌留幾成隊伍爲守營之  
兵是有長夫則一勇得一勇之用更爲一舉而兩得再此  
項長夫口糧較少應請就內地募充以歸簡便

一餘丁宜預募以備補額也勇丁從征多年必有缺額若  
俟委員往該處募補未免往返需時該馬隊中全用東三

省人又不容以各省人參入夾雜擬請於開募之時募足三千名外挑選樸實精壯者多募餘丁三百名來東以備隨時補額此項雖名爲餘丁另編一隊亦與各營馬隊同一訓練隨征卽與正勇無異應請照正勇一律給與口糧馬乾以示公允至購買馬匹亦請於定數三千之外另多買數百匹以備餘丁乘騎挑補缺額合併陳明

查覆濟陽縣徵收錢漕摺

同治六年正月二十三日

奏爲查明濟陽縣並未浮收錢漕及各屬照舊隨正徵收耗米緣由恭摺具奏仰祈

聖鑒事竊臣接准軍機處字寄同治五年十二月初六日奉

上諭有人奏風聞山東濟陽縣知縣陳乃忠信任戶書蠹役於漕米正額之外添索耗米錢文本年下忙照舊浮收衆民不服入署爭鬧幾釀巨案各等情所奏是否屬實著閻敬銘丁寶楨確切查明據實具奏毋稍徇隱原片著鈔給閱看等因欽此遵卽札飭委用知縣鄭錫鴻並飭濟南府另委卽用知縣張傑分赴該縣境內密爲確查詢據鄉

民及同城教佐營汛紳耆鋪戶人等僉稱該縣漕糧係按  
例定正耗徵收並於由單串票內蓋用紅戳分晰載明正  
耗數目如書役有耗外加耗情事許隨時稟究民間未完  
漕以前有由單可查既完漕以後有執照爲據絲毫不能  
含混各花戶均經踴躍輸將業已全數清完並無帶欠至  
該縣下忙錢糧調齊流水總報互相較對均係照例徵收  
解兌委無浮收苛索以及鄉民入署滋鬧情事該委員等  
所查若合符節稟由濟南府知府蕭培元轉稟前來臣覆  
查署濟陽縣知縣名來忠並非乃忠自接署篆以來辦事  
均係按部就班徵收錢漕甚爲妥協輿論翕然果有鄉民  
入署爭鬧情事該縣距省祇九十里何至毫無見聞其爲

風影之詞道路訛傳亦未可定茲經委員等確查稟覆  
復加訪詢實屬可信理合據實覆奏惟折徵耗米錢文漕  
務攸關有不得不縷陳者溯查東省徵收漕糧向係額徵  
正米一石隨徵一五耗米一斗五升內係坐支車腳米五  
升津貼旗丁米三升五合並食米二升共支米一斗五合  
下餘米四升五合照例每升八釐變價交幫加增蓆片銀  
三分運隨養廉銀六釐儘數支銷而委員盤費及漕船守  
東不在其內此應徵之一五耗米滴滴皆有開銷並非格  
外浮收之實在情形也東省從前徵收折色州縣任意浮  
收隨時加增各處徵漕原係正耗分別徵收者居多至武  
定一帶從前有每石折錢至二十餘千折銀至七八兩者

臣



民間不免抗違州縣浮收過多無詞可對則巧稱讓耗於串票內含混註寫民間因之遂不納耗此從前歷久徵收漕米正耗之實在情形也迨咸豐十一年撫臣譚廷襄奏明每米一石定爲收制錢六千文並未分晰正耗彼時州縣浮收雖稍減於前亦未遵照定章如濟南兗州泰安濟甯曹州東昌運河以西各屬名爲正耗分徵而弊混仍多或顯爲勒折或耗外加耗有漕地方大率類此亦有向係讓耗之處正米多爲折價亦不照章雖未收耗專以浮折正米爲勻挪之計間有數處從前因抗漕滋事減價者民間納漕完正而不完耗刁健者遂以耗米爲州縣例外之需正米則思完納耗米則輒爲把持至於兌漕交幫時均

係官爲墊發此又咸豐十一年以後徵收漕米正耗之實在情形也同治四年撫臣閻敬銘因州縣猶有浮收更多耗外加耗民力苦累詞訟繁多必得照前撫臣所定十二千之數示之以信乃可以定民志因於窮鄉僻壤徧爲出示曉諭凡有米麥豆一升折收制錢六十文不准加增又恐間有讓耗之處民間不知耗米爲正銷之款隨於該縣請示稟內批令各屬照例隨正徵收一五耗米於由單串票飭令註明正米若干耗米若干不容含糊其孤貧兵米向不徵耗者勒令概行明白剔除不容稍有牽混各屬恪遵辦理鄉民亦無異言卽如四年鄒平縣民張循賜等來省呈控該縣有浮收漕米情事臣在藩司任內當將該縣

撤省並提該民人等發府確訊覈明所收實係耗米並將該縣歷來徵收兌幫向章詳細查覈俱屬遵照定章辦理並無浮收隨提張循賜等詳加詢問復將正耗緣由細爲剖別該民人等恍然若失俯首無詞咸自願輸納耗米錢文並懇自行傳諭各鄉俾知耗米實係正供羣相完納本年收漕毫無蒂欠可見從前有數處收漕正耗不分鄉民知有正而不知有耗自將正耗分晰刊明註定後鄉民亦知有應徵之正米卽有隨正之耗米並有應納之錢文彼此相安徵收極爲踴躍臣仍隨時嚴查示諭儻有格外浮收者立卽嚴參各糧戶或有抗欠亦必照例懲辦以期仰

副

聖主慎重漕儲體恤蚩氓之至意再聞武定府屬之濱州蒲臺等處有因漕滋事之事該處風俗向多頑悍是否玩戶梗阻抑由該州縣辦理不善現經委員密查俟覆到再行分別覈辦合併陳明伏乞

皇太后

皇上聖鑒謹

奏

酌給黑龍江壯丁整裝銀兩摺

同治六年二月十九日

奏爲議請酌給黑龍江壯丁整裝銀兩以示體恤並懇

敕下該處將軍遵照妥速辦理早日成軍來東以備籌勦  
恭摺仰祈

聖鑒事竊

臣

於本月十三日承准軍機大臣字寄同治六

年二月十一日奉

上諭前因山東議募黑龍江等處壯丁令特普欽遵備挑  
選茲特普欽克蒙額奏遵飭各屬在於打生人內選擇挑  
備卽著山東委員攜饌到日飭令會同認真揀選不得苟  
且塞責所請援照徵調西丹每名給整裝銀二十一兩著  
閻敬銘丁寶楨卽飭該委員遵照辦理等因欽此查軍需

則例載征調京外各省出征官兵每人賞給整裝銀兩多寡不等由出兵省分給發係專指調兵而言未嘗議及餘丁也從前僧格林沁軍營奏調東三省馬隊該處因額兵不敷遣撥遂以西丹應調每名議發整裝銀二十一兩亦係由該處將軍都統發給從未由外省發過今東省招募該處壯丁係仿照招募湘楚各勇章程辦理與調兵不同原擬照章以成軍之日發給川資俟到營後再行支給口分並無議給整裝之說茲若援照征調西丹章程給發整裝銀兩則必照例由該處將軍都統籌給而款項過鉅該處勢難猝辦若由東省籌解給發則勇丁既須給予川資又須給發裝銀糜費亦覺過甚惟該壯丁等遠道從戎此

項銀兩竟至闕如亦非所以示體恤今爲詳細參酌擬每名酌給整裝銀十兩其沿途川資一切均仍飭承辦委員照章按日支發於覈減之中寓體恤之意該壯丁等似亦無所藉口第東省委員早已啟行所帶銀八萬兩尙有採買馬匹鞍屨及添購鳥槍各用綜計所費勢有不敷黑龍江等處路途遙遠若俟補解整裝銀兩到日再行招募亦慮需時臣再四籌度此項酌給整裝銀兩惟有東省與該處將軍等兩處發給各任一半先由該處將軍發給五兩俟到東後再由東省發給五兩如該將軍等以爲必須全給則東省應發之五兩卽由該處一併籌發東省隨後速爲籌解歸還庶期辦理迅速俾該壯丁得以早日登程不

致延誤相應請

旨敕下該處將軍遵照籌辦至

臣

請招募此項馬隊原爲

急須勦賊起見現在賊蹤回竄楚疆逆燄猶熾難保不鋌而東走東省兵力本單雖河防密布邊界無險可扼必須勦兵多集方資得力此起馬隊如早到東一日則早收一日之效並懇

飭下該將軍等迅卽安速飭辦毋稍遷延免誤事機所有籌議酌給勇丁整裝銀兩一併請

旨敕下該將軍等遵照速辦各緣由理合恭摺馳奏伏乞

皇太后

皇上聖鑒訓示謹



奏